

贈存京師圖書館

地26437
577

永順縣風土誌

彭施滌
署 纂

序一

永順古蠻區也僻在邊鄙距省會千有餘里開化較遲交通不便雖號大邑蓋異於通都遠甚民國三年余宰是邦計一十三月卸歸中間周歷縣地凡幅員之廣狹地土之肥磽風俗之善惡人情之好尚與夫物產豐歉市井衰旺關津夷險山林峻密及所謂興者廢者亡者存者離者奇者因革損益之間前後滄桑之變靡不得其大概惜乎其未能表見也越兩年湘長譚狗承人之請復檄余治永履任後卽奉修理縣志之命余喜其夙願可抒乃忽焉南北事起影響牽及遂致荆榛滿地永邑尤甚驚濤駭浪年餘未已其未果修縣志也以此正憤懣間邑紳劉渠遠君以

永順縣風土誌

序一

所著永順縣風土誌示余逐一翻閱見其攷察詳明如絲之有緒而條理不亂如網之在綱而貫徹無遺而其言之確鑿無稍假借者較余前此親歷之所見所聞尤有進焉余以時局之故而不能成此縣志得渠遠此作則庶幾縣志之先河歟渠遠之所存可謂厚矣蓋君子之不忘乎鄉而後能及於天下也噫世事糾紛凡一切記載事項各名都大邑尙付缺如永順一邊縣耳渠遠獨能於羹沸螭蟪之時爲其鄉邑增重也如此則文獻之於世其可少乎哉故樂爲之序云民國七年十二月署永順縣知事曾鏡心撰

序二

曩因安化陳志壯識永順劉正學兩人者皆陸軍學生也民九以來過從日密始稔劉君篤學而深思軍閥日盛劉君獨從事交通舉國人士方侈談瀛海劉君獨致力於故鄉風物毋亦張軌所云令後生新進有以識先正典型之意耶劉義慶盛贊陳仲舉謂門庭不治而有澄清天下之志此篤言也豈有一身不能自治而足以治天下乎前史稱謝遏履舄位置皆有常處破秦淝水豈偶然哉采風之禮既廢鄉邦文獻賴學者而僅存實裨恣談自治者以建設之良基馴躋富強之極則也晚近張謇力治南通以模範全國使非曉暢地方情形貿然從事則形禁勢格舉措

無施寧有今日甚願劉君進謀所以振興之方令永順得爲南通第二爲吾湘全省模範則衡湘之間必有繼踵而起者矣民國十二年祁陽周天球

序三

傳曰山川能說可以爲大夫閒嘗推求其故而信其言之不我欺也蓋人情恆忽近而驚遠叛實而徇名其爲說也或迂闊而遠於事情或故爲怪誕不經以震流俗之耳目求一務近且實而切於民生日用之說則爲中庸之不可能焉或於不可能者而能之其將有異於常人乎吾縣劉君渠遠當癸丑第二次革命之際嘗列戎行共和恢復之役曾立功勳戊午辭其軍職遊學京師予始識君以爲今世致富貴之易莫武夫若故人皆視爲捷徑而投筆從戎者如蟻慕羶君何一反其所爲心竊疑之方其入太學也士子激於新說日輟所業喧騰鬻舍而君獨好學深思超

然無忤乃雅重之泊君卒業供職路局出所撰永順縣風土志以示予自山川形勢關隘道路以逮鹽鐵貨殖錢穀賦役罔不兼蓄並收有條不紊於是乃知君有以異於常人也縣舊志久毀於火談掌故者患無所據邑人士設立縣志纂修局推邑之賢明者董其事尙未觀成而君於案牘叢脞之餘不自炫所學希圖進取唯汲汲立說於近且實者用補文獻之不足其自貶以求裨於邑人士者爲何如而邑人士之善善從長必不後於予也夫地方自治要不外夫務近且實大都由鄉而縣而省以及於國殆與孔子所謂觀於鄉而知王道之易者將毋同君其深明斯義者倘以其所說擴而充之則天下郡國利病瞭如指掌豈

特邑人士蒙其庥而已哉因爲之序民國十二年十二月
向乃祺識於都門槐抱齋

自序

流光荏苒余編輯此誌竣已閱四五寒暑溯思編輯之際正羅劍仇統率隣封股匪犯城後之第三年而張謝兩軍繼續蟠據吾邑之時也生產之量少而徵發之數多所爲盜者日益多而爲民者日益弱矣余旣解兵歸來目覩其狀慨閭閻之蕭條痛吾民之流離杞憂正長補益無術然而弭盜莫如使之愛鄉愛鄉余以爲又莫如使之識本邑之現勢而各擇就其農工商業之軌範此本書編輯之意也至於分類而爲詳細之著述則當俟乎縣志之成第地理一科考核固宜詳明舛訛恐有不免張華博物鴻溝受譏蘇軾多聞赤壁貽誚矧余之不學者乎尙冀明達不吝

指正之民國十二年雙十節著者識於都城


永順縣風土誌凡例

- 一 本書在使閱者知本邑地勢人情之大概及農工商業之趨勢與夫地方教育暨公益事項之現狀
- 一 本書所述之位置疆界幅員沿革山脈水道關隘塗徑均係參考新圖書博采舊志籍而成
- 一 本書首附永順全縣詳細全圖以便閱者參考
- 一 本書徵輯鄉聞成於京邑容有未備當俟再版補入

永順縣風土誌目錄

一	位置	二	疆界	三	幅員
四	沿革	五	地勢	六	氣候
七	區劃	八	山脈	九	水道
十	關隘	十一	城郭	十二	衙署
十三	城市	十四	場市	十五	人種及人數
十六	風俗	十七	教育	十八	宗教
十九	廟宇	二〇	生活	二一	官職
二二	兵制	二三	財政	二四	金融
二五	農工商業	二六	水利	二七	物產
二八	道路	二九	水程	三〇	郵電

永順縣全圖



勘誤表

誤	正	頁	行
宋齊因 晉	宋齊因之	一	十三
入西	入酉	四	八
至虎坪視	至虎視坪	四	十六
毛經壩市	經毛壩市	四	十九
承婚認約	承認婚約	八	六
晒乾	晒乾	八	十三
藝所	習藝所	十一	六
以其卽	卽以其	十一	十七
田賦據費收	田賦收據費	十六	六
典稅正稅	典契正稅	十六	二一
四五十公里	四五十里	二四	二二

第七頁之場市表內守車鄉與車窩鄉之場名未劃清吳家寨皮匠均係屬守車鄉車窩洞屬車窩鄉

永順全縣圖內澧水係經毛壩廖家村泉孔大寨坪官壩之北原畫於其南者誤也

又地圖之有×處係表示其綫之無用

永順縣風土誌

一 位置 永順地居湖南省城之西北隅東起龍爪關當西經六度十五分西止牛欄溪當西經七度南起鳳灘汛當北緯二十八度三十分北至萬民岡當北緯二十九度二十五分

二 疆界 永順萬山環遶界連六縣東南界沅陵東北界大庸南界古丈西南界保靖西界龍山北界桑植

三 幅員 永順東西經距四十五分南北緯距五十五分截長補短面積約二萬餘方里以湖南各屬縣幅員比較實居甲等

四 沿革 永順禹貢荊州之域戰國屬楚秦屬黔中郡

永順縣風土誌

西漢爲武陵郡地三國吳分隸武陵天門郡晉移酉陽縣來治故城在縣東南羊峯山下仍隸武陵郡宋齊因晉梁改大鄉縣徙治今龍山縣東南縣地屬焉陳分隸沅陵隋唐因之五代時彭氏據之爲下溪州地又謂之誓下州宋爲羈縻州元爲永順宣慰司治明洪武二年置永順軍民宣慰司治領上溪州南渭州施溶州清順治四年土司效順仍授原官雍正五年土司復請內附七年始設縣建治猛洞爲永順府治民國元年裁府留縣遂爲縣治

五 地勢 山脈起伏蜿蜒全境平原既少農田自稀惟塔臥顆砂上椰數鄉稍有廣場遂爲本縣倉庫地

六 氣候 永順地居溫帶氣候和暖然亦有因山脈高

蠹不無差異者如上榔鄉之收割期較他鄉遲一句以至一月者他若萬笏山蟠龍山諸高地雖在酷暑尚非衣夾不可

七 區劃 全境昔編爲五十八旗但包括古丈全縣及龍山縣之一部自清初卽編爲十八保民國紀元擬依距縣治遠近之秩序改保爲區未果十二年辦理鄉自治乃改保爲鄉卽本城鄉勺哈鄉守車鄉洗車鄉車窩鄉內顆砂鄉外顆砂鄉內塔臥鄉外塔臥鄉內白砂鄉外白砂鄉內龍鄉外龍鄉上榔鄉下榔鄉施溶鄉王家鄉田家鄉等十八鄉也

八 山脈 縣屬山脈有二支一由桑植南迤入境爲分

水嶺爲獅子山經那鋪界折而西經鄭家界南迤爲屏風山經流瀾溪爲籟子山經落鐵珠天塘車窩蓮蓬岡爲萬笏山分爲二派一南迤爲七仙界折而西爲終南山自七仙界東南迤爲縣城北之桅桿坡一東迤至牛皮坳又分爲二一東南迤爲飛霞山高峯山折而西爲玉屏山南迤經別些塘爲竹根坡經衆樂蜿蜒而止於觀音山一南迤經岩門塘折而東爲三星山經土地堡爲推牛坡自牛皮坳北迤爲靈嗣山爲黃土坡爲石柱山折而東爲牛角山福緣山折而東南經劉家寨復分爲二一西迤爲蟠龍山一南迤經冷水村爲龍鳳山爲香爐山東迤爲四明山西迤至岩板鋪折而南經鳳溪寨爲向家坡經石鐵溪復折

而東南爲賀虎山爲中山南迤爲羊峯山經曹家坪爲風水嶺折東蜿蜒於大庸沅陵與本邑交界之地而入大庸境折西經風水坪又分爲二一折而北復西迤爲心印山一西迤經松柏場爲岩門山自松柏場南迤經上榔鄉而終於施溶鄉之掛榜山而縣北鄙之萬民山殆分水嶺渡海角溪之脈也

一由龍山東南迤入境爲青雲山九龍山捧夕嶺折而西爲天平山折而南至乾洞西迤爲頭龍山東南迤止於外白砂鄉之大坳

九 水道 酉水一曰酉溪今稱北河亦名更始水有三源北源出湖北宣恩縣忠峒里三眼泉中源出四川酉陽

縣之酉源山兩源合流於四川秀山縣石堤司南源出貴州銅仁縣平頭司左右兩支合而東流至保靖縣之江口合北中兩源東流入縣境南岸屬保靖經南渭州白棲關碌碌河自西南來會逝溪河自北來會東流入縣境經三排洞北受龍鳳溪至新碼頭猛洞河自北來會經七樹坪至王村北受響水洞水南受白水溪折東南流至羅衣溪市羅衣溪自排打牛合天橋山西林門喜溪蘇頭溪蔡家河上洞溪涼溪窩溪惹必溪諸水東北流來會羅衣溪現屬古丈縣折而東至會溪坪坪屬沅陵縣對岸爲銅柱亭有五代時馬希範所樹之銅柱存焉經雙溶灘復全入縣境至施溶溪市北受施溶溪折東南西受沙魚溪至杉木

灘杉木溪自北來會經石馬潭爲茨灘至鎮溪市北受鎮溪經鳳灘東南流入沅陵縣境

猛洞河有二源出龍山縣東源自塔泥湖入縣境至兩岔河合西源經冗迪湖北受茶溪東南流至蓮蓬岡西受澄觀橋水甘溪合流之水經勺哈市南受富溪經楊公橋北受楊公橋水經偏岩至縣城南門外萬人橋東受牛皮坳水梯子岩水合流之水至桶坪西受七溪水折南流至喇集溪市東受牛路河經列夕市至新碼頭入西

牛路河有二源北源名靈溪出縣西北蟠龍山東南流經車坪西受牛角山黃田壩轍石湖合流之水折西南經清音塘北受黃土坡水經釣磯岩西受居行莊水及冒溪經

自生橋三星山至舊司城折東南經祖師殿至榔溪口合東源源出縣東北香爐山名柵木溪西南曲流東受他沙溪經九官坪東受鳴鳳溪至石鐵溪市西受水口子水經羊峯城市南受桐華溪至榔溪口遂名榔溪合北源曲流至虎坪視依窩坪間名牛路河西流北受米溪復西流南受壩溪至喇集溪對岸入猛洞河

澧水南源出縣西北萬笏山爲馬頭河北經將軍岩折東北經馬踏鋪西受應嗣橋水毛經壩市廖家村至土塘東北流入桑植縣境經桑植至大庸屬之仙寨鋪南縣屬仙寨河自西來會至五碼頭賀虎溪自西來會東南流經中山齊溪自西來會東流遂全入大庸縣境

逝溪河源出龍山縣東南攏車東南流入縣境名牛欄溪至官園小井水自東北來會折南流至對山寨之南東北受大井水復南流遂爲本邑與保靖之天然界限經逝溪河渡口折東南經惹毛折南流至南渭州入酉

十 關隘 龍爪關距城百二十里爲東通大庸之要道尖山廟在關外十里兩山峭立爲關外藩賀虎山居關內十里壁立數仞鳥道一線論者謂尖山廟不守能扼守賀虎山則縣之東藩猶未失也

鳳灘塘距城百八十里兩岸夾峙中流湍急爲縣東南第一水險

列夕市距城九十里王村市距城百零五里兩地遙遙相

對爲乾城古丈沅陵數縣陸路入縣門戶亦爲沅陵保靖兩縣水路入縣之孔道阻河爲險形勢天然

牛路河距城五十五里兩山壁立中通一河爲縣南鎖鑰捧夕嶺距城三十里本縣有事恆恃此以爲西藩

旁湖爲通龍山之孔道萬民岡劉家寨龍家寨又爲北方重地他若城西之王家坡城北之桅桿坡俯瞰全城又爲攻守必爭之地

十一 城郭 往昔城治羊峯山下卽今所謂羊峯城者土司所治之城卽今所謂舊司城者今城係清雍正七年所建形爲橢圓南北長而東西短有五門卽東門南門小西門大西門北門是也北門久閉清宣統中始開門於舊

縣學署之右後側焉。城周七里有奇。

十二 衙署 縣爲清代府治之區。城內文官公署。則有知府、知縣、經歷、典史、府縣學官衙門、學政行署、武官公署、則有副將、都司、千總衙門。外此王村市、則有巡檢衙門。把總衙門。劉家寨、亦有把總衙門。鳳灘塘、萬民岡、則各有外委衙門。又信坪汎之外委、卽後徙駐於鳳灘塘者。共計衙門十有五所。今則以舊知府衙門爲知事公署、知縣衙門分割爲典獄署、爲縣參事會。經歷衙門、爲地方財產保管處。副將衙門、爲駐防軍隊之指揮部。都司衙門、爲警察署。府學衙門、爲勸學所、爲教育會、爲農會、爲第二國民小學校、學政行署、與千總衙門、及往日之教場坪、三項官產、均

已拍賣。縣學及典史衙門、則傾圮無遺。現租於民間爲菜園。王村巡檢衙門、現爲王村警察分署。其他各汎地之衙門、或已傾圮、或尙有屋宇、爲鄉間之公益機關。幸距城甚遠、尙未變賣耳。

十三 城市 縣居邊鄙、交通不便。商業尙未發達。僅有交易街市一條。卽東門小西門間、四五十家商店而已。街市巷徑之建築、係石板鋪成。年久失修、破碎不堪。陰溝又復堵塞。故雨甚、則平地水深數寸。酷夏則濁水蒸發、是不徒行人之不便、亦公共衛生之障礙也。尙望有地方之責者、從事修理之。

十四 場市 縣地遼闊。交易之地、以縣城爲中區。而一

鄉之中，復擇適當之地數處，爲有期之交易，謂之趕場。卽古日中爲市之意也。本城鄉因距城甚近，無場市。施洛鄉因沿河均有埠頭，未設場市。田家鄉、王家鄉，又因距古丈縣城，或保靖縣城，或王村市，甚近，亦無場市。茲將各鄉場市名稱及交易日期列表如次。就中龍家寨、石鐵溪、塔臥沙壩四處，每期交易者，將近萬人，爲場市之最繁盛者。

鄉別	場名	交易日期
鄉砂白內	虎視坪	五、九、十日
	廟集溪	四、九、十日
鄉龍內	石鐵溪	一、五、八、九、十日
	羊家城	一、四、七、八、九、十日
鄉臥塔內	三家田	一、四、七、八、九、十日
	岩板舖	三、六、九、十日
鄉砂類內	新寨坪	一、五、八、九、十日
	顯砂	一、四、七、八、九、十日
鄉車洗	釣磯岩	三、六、九、十日
	瓦場	五、十日
鄉哈勺	些那溪	逢六日
	蓮蓬園	逢一日

永順縣風土誌

鄉別	場名	交易日期
鄉砂白外	龍爪關	一、四、九、十日
	大壩	一、六、八、九、十日
鄉風塔外	塔臥園	一、五、八、九、十日
	官倉坪	一、四、七、八、九、十日
鄉砂類外	杉木村	一、四、七、八、九、十日
	龍家寨	三、六、九、十日
鄉富車鄉車守	車窩洞	逢一日
	皮匠坳	逢八日
鄉下	保坪	二、五、八、九、十日
	長嶺園	三、六、九、十日

十五 人種及人數 縣屬人民，除少數苗民，漸就同化外，餘雖概係漢族，而土著人民，卽今所謂土家者，另有一種土話，實居十之三四，餘多遷自江西。其數目之總額，從無確實之調查。民國元年，選民調查之結果，計二十一萬三千四百五十三人。則丁口總計，當不下六七十萬人。

十六 風俗 人民大都性剛強，崇節儉，尙樸質。承平之